




ხაშურის მოახბე



№16(340) 1 მაისი, კვირა, 2022 წელი

დღეს კვირაცხოვლობა, გილოცავთ!

აღდგომის მომდევნო კვირა, ანუ კვირაცხოვლობა, სხვაგვარად იწოდება თომას კვირად, რადგანაც ამ დღეს ქრისტიანები იხსენებენ თომას რწმენაში მოსვლის სასწაულს.

მაცხოვრის ჯვარზე გაკვრით შემრწუნებული თომა მოციქულის გონება უნუგეშო ფიქრებით იყო დამძიმებული, ძვირფასი მასწავლებლის დაკარგვის გამო – ქრისტეს მოწაფეების მტკიცებებს, მასწავლებლის აღდგომასთან დაკავშირებით, იგი პასუხობდა: „თუ არ ვიხილავ მის ხელებზე ნალურსმნევს და ნალურსმნევში არ ჩავყოფ თითს, მის ფერდში კი - ხელს, არ ვირწმუნებ“ (იოანე, 20:25).

აღდგომიდან მერვე დღეს, უფალი ეჩვენა თომას იმის დასტურად, რომ აღდგომის შემდეგ იგი ერთთავად მოწაფეებთან იყო, არ დაუცადა თომას შეკითხვას და თავად უჩვენა ნაჭრილობევი, რითაც უპასუხა მის სიტყვით გამოუთქმელ კითხვას, რის შემდეგაც თომამ წამოიძახა:

განსაკუთრებული მადლით იმოსება და დიდ სიწმინდეს წარმოადგენს. კვირაცხოვლობას არტოსი მცირე ნაწილებად იჭრება და მორწმუნეებს ურიგდება. არტოსს მორწმუნეები კიდევ უფრო ანაწევრებენ და მთელ წელიწადს ინახავენ წმინდა ადგილას; ავადმყოფობის ან სხვა განსაცდელის ჟამს არტოსი მიიღება, როგორც სულიერი წამალი – საკურნებლად სულისა და ხორცისა.

უფალო იესო ქრისტე, ჩვენო მეუფე და ღმერთო, დაგვცხმარე, რომ მოვიკრიბოთ სულიერი თუ ფიზიკური ძალები და შენთან ერთად ავიდეთ გოლოგოთის უკანასკნელ აღმართზე, შენთან თანაჯვარსვეცვათ, თანდავეფლათ, რათა შენთანვე აღვდგეთ მკვდრეთით და დავიმკვიდროთ ჩვენთვის განმზადებული საუკუნო ადგილი მარჯვენით ღმრთისა და მამისა; ღმერთო, შენ აცხოვნე სრულიად საქართველო. ამინ.



„უფალი ჩემი და ღმერთი ჩემი!“ (იოანე, 20:28). ამით თომამ არა მხოლოდ აღდგომა ირწმუნა ქრისტესი, არამედ ირწმუნა მისი ღვთაებრიობაც!

თომას კვირიდან, დიდმარხვის ხანგრძლივი შესვენების შემდეგ, მართლმადიდებლურ ეკლესიებში ხდება ჯვრისწერის საიდუმლოს შესრულება.

თომას კვირა იმითაც არის აღსანიშნავი, რომ ამ დღეს ეკლესიებში მორწმუნეებს ურიგდებათ არტოსი. რა არის არტოსი? აღდგომის დღიდან, მთელი ბრწყინვალე შვიდეულის მანძილზე, ეკლესიებში, კანკელის წინ, დგას მაგიდა პურით. ეს პური საგანგებოდაა გამომცხვარი და ეწოდება არტოსი („არტოს“ - ბერძნ. „პური“). სადღესასწაულო დღეებში არტოსი



მიწის სისტემური რეგისტრაციის რეფორმის ფარგლებში, შიდა ქართლის რეგიონში, საინფორმაციო შეხვედრა გაიმართა

მიწის სისტემური რეგისტრაციის რეფორმის ფარგლებში, საქართველოს იუსტიციის სამინისტროს საჯარო რეესტრის ეროვნული სააგენტო, 2022 - 2024 წლებში, საქართველოს 59 მუნიციპალიტეტის (გარდა ოკუპირებული ტერიტორიებისა და თვითმმართველი ქალაქებისა) კერძო სახელმწიფო ან მუნიციპალურ საკუთრებაში არსებულ მიწის ნაკვეთებს ეტაპობრივად აზომავს და დაარეგისტრირებს. მიწის სისტემური რეგისტრაცია ქვეყნის 1000-ზე მეტ ადმინისტრაციულ ერთეულში მიმდინარეობს. რეფორმის შედეგად, ქვეყნის დაახლოებით 1/3 დაარეგისტრირდება, უძრავი ქონების შესახებ სრულყოფილი უფლებრივი და საკადასტრო მონაცემები შეიქმნება და უძრავი ქონების ბაზარი განვითარდება.

საჯარო რეესტრის ეროვნული სააგენტოს თავმჯდომარე ოლეგ (ბაჩო) თორთლაძე შიდა ქართლის სახელმწიფო რწმუნებულის პირველ მოადგილეს სიმონ გულედანს, შიდა ქართლის მუნიციპალიტეტების მერებსა და საკრებულოების თავმჯდომარეებს შეხვდა.

ხაშურის მუნიციპალიტეტიდან შეხვედრას ესწრებოდნენ ხაშურის მუნიციპალიტეტის მერი თენგიზ ჩიტიაშვილი და საკრებულოს

თავმჯდომარე ნინო ლიპარტელიანი.

შეხვედრაზე სააგენტოს წარმომადგენლებმა ადგილობრივი თვითმმართველობის პირველ პირებს მიწის სისტემური რეგისტრაციის რეფორმის შესახებ დეტალური და ამომწურავი ინფორმაცია მიაწოდეს. საუბარი სოფლებისა და დაბების დამისამართების საკითხებსაც შეეხო. შეხვედრა კითხვა-პასუხის რეჟიმში წარიმართა.



ა(ა)იკ „კულტურისა და ბავშვთა და მოზარდთა შემოქმედებითი განვითარების ცენტრების გაერთიანების“ ანგარიში 2021 წელს გაწეული მუშაობის შესახებ

ა(ა) ი.კ კულტურისა და ბავშვთა და მოზარდთა შემოქმედებითი განვითარების ცენტრების გაერთიანება წარმოადგენს სახელოვნებო, შემოქმედებითი, პროფესიული განათლების და გამოცდილების მქონე კულტურის მუშაკთა ერთობას, რომელთა პირდაპირ სამსახურებრივ-პროფესიულ მოვალეობას წარმოადგენს ხაშურის მუნიციპალიტეტის ტერიტორიაზე მის დაქვემდებარებაში მყოფი კულტურის დაწესებულებების (მუნიციპალიტეტის კულტურის ცენტრ-თოჯინების თეატრი, საქალაქო კულტურის ცენტრი, ბავშვთა და მოზარდთა შემოქმედებითი გაერთიანების ცენტრი, სურამის კულტურის ცენტრი, ქვიშხეთის კულტურის ცენტრი) - მეშვეობით ხელი შეუწყოს, ჩამოაყალიბოს და განავითაროს კულტურის- ხელოვნების სხვადასხვა მიმართულებები: თეატრალური, თოჯინური ხელოვნების, ხალხური ფოლკლორის ხელოვნების დარგების: სიმღერის, ქორეოგრაფიის, რეწვის, ფერწერის, მუსიკის.

2021 წლის საანგარიშო პერიოდი ა.ა.ი.კ - სთვის, წინა წელთან შედარებით, ნაყოფიერი და მეტ-ნაკლებად დატვირთული აღმოჩნდა. კოვიდ პანდემია გრძელდება. კულტურის სფერო არსებული რეგულაციების სრული დაცვით ადაბტირდა რეალურ რთულ მდგომარეობასთან მიმართებაში და ეცადა ჩვეული შემოქმედებითი ფორმის აღდგენას.

ჩვენი ძირითადი დასაყრდენი ცოცხალი შემოქმედებითი პროცესისთვის არის სკოლამდელი და სასკოლო ასაკის მქონე ბავშვები, მოსწავლე-ახალგაზრდობა, ზოგადად, საზოგადოების ყველა ფენა. ჩვენ პირდაპირ ცოცხალ კონტაქტში ვართ ბავშვებთან, მოსწავლე-ახალგაზრდობასთან, სკოლამდელ და სასკოლო დაწესებულებებთან და იზოლირებულად მათ გარეშე ჩვენი მუშაობა წარმოუგებლად მიგვაჩნია! დადის ბავშვი ბაღში, სკოლაში და. თავისთავად. კულტურის დაწესებულებებშიც, თეატრის სპექტაკლებზე, ინტერესთა მიხედვით სხვადასხვა წრეებზე, მხატვრულ კოლექტივებშიც ერთიანდება და ასე იყო ყოველთვის. პანდემიამ ყველაზე დიდი დარტყმა მაინც კულტურის დაწესებულებებში მიმდინარე ცოცხალ შემოქმედებით პროცესს მიაყენა: განვმეორდებით და მიუხედავად ყველაფრისა, გაერთიანების ცალკეულმა დაწესებულებებმა კოლექტივებმა მაინც შეძლეს მუშაობის წარმოება და აქ ისევ და ისევ გამოსაყოფია ჩვენი სახელოვანი თოჯინების თეატრი!



თეატრმა 2021 წლის მაის-ივნისის თვეში უჩვენა თოჯინური სპექტაკლი „ყველა თავუნას უყვარს ყველი“. 2021 წლის 12 ივლისიდან 18 ივლისამდე თეატრი იმყოფებოდა ხელოვნების საერთაშორისო ფესტივალზე „ნარინჯისფერი ქობულეთი“ და გრან პრი და პირველი ადგილით ხელდამშვენებულები დავბრუნდით. ფესტივალზე უამრავი შემოქმედებითი კოლექტივი იყო ჩამოსული. განსაკუთრებით დაგვაშთაბეჭდა უკრაინის ერთ-ერთი ფოლკლორული შემოქმედებითი კოლექტივის გამოსვლები და ყველაზე მთავარი, მეგობრული შეხვედრა ჩვენი და მათი ანსამბლის წევრების მონაწილეობით. როგორც მასპინძლებმა ალაფურშეტი მოვუწყეთ. გაიცვალა ურთიერთ შემოქმედებითი გამოცდილება, იყო უამრავი ცეკვა, სიმღერა, სადღგრძელოები საქართველო-უკრაინის მეგობრობის პათოსით გაჯერებული.

2021 წლის 25 ივნისს, თოჯინების თეატრის წინამდებარე სკვერში, თეატრის ორგანიზებით მოეწყო ფერადი ცარცით ხატვის ფესტივალი რომელშიც, წინამდებარე ბინისა და ჩვენი უბნის ბავშვებთან ერთად, მონაწილეობდნენ მომავლის სახლის შეზღუდული შესაძლებლობების მქონე ბავშვები. ფესტივალის ყველა მონაწილეს გადაეცა სამახსოვრო საჩუქრები და დიპლომები.

განსაკუთრებით აღსანიშნავია ტაშისკრის ბრძოლის გამარჯვებისადმი მიძღვნილი სახალხო დღესასწაული, რომელიც 27 ივნისს მუნიციპალიტეტის მერიის, მაჟორიტარი დეპუტატის ზაზა დუგლაძის სრული მხარდაჭერითა და ჩვენი ორგანიზებით გაიმართა. ღონისძიებას მისი ყოვლად უსამღვდელოესობა მეუფე სვიმეონი და სტუმრები დაესწრნენ. საზეიმო კონცერტი ჩვენი მხატვრული

კოლექტივების, სიმღერისა და ცეკვის ანსამბლების გამოსვლით დასრულდა და, რაც მთავარია, ხუთასამდე ბავშვი, ახალგაზრდა განიმსჭვალა ეროვნულ-პატრიოტული სულისკვეთებით, გაიგო ჩვენი წინაპრების გმირული წარსულის შესახებ.

ასევე, აღსანიშნავია ზაფხულში, 20 ივნისს, ტურისტული სეზონის გახსნასთან დაკავშირებით, ჩვენი მუნიციპალიტეტის შემოქმედ ხელოვნათა- ხალხური რეწვის, ქარგვის, გობელენის, ფერწერული ნამუშევრების ნიმუშების გამოფენა-გაყიდვაში მონაწილეობა, რომელიც ისტორიულ მუზეუმ ქალაქ უფლისციხეში ჩატარდა და განსაკუთრებული მოწონება ჩვენმა გამოფენამ დაიმსახურა.

ასევე, 19, 20, 21 დეკემბერს ფოლკლორულმა გუნდმა „ქართლი“-ხელ-ლი გიორგი შუბითიძე, მონაწილეობა მიიღო ბორჯომ - ბაკურიანში გამართულ შემოქმედებით ფესტივალზე.

რაიონის სანაქებო ქორეოგრაფიულმა ანსამბლმა „ფრესკამ“, ქორეოგრაფი ელენე რატანი, 15 დეკემბერს მონაწილეობა მიიღო ფესტივალზე „ფოლკარტი“.

განსაკუთრებით აღსანიშნავია 27 დეკემბერს საქართველოს პრემიერ მინისტრის ეგიდით ჩატარებული წინა საახალწლო ღონისძიება და ასევე მუნიციპალიტეტის მერიისა და საკრებულოს მიერ 25 დეკემბერს ჩატარებული ნამდის ხის ანთების ღონისძიება და 31 დეკემბერს წინა საახალწლო ღონისძიება სტუმრად საახალწლო სოფელში” სადაც ჩვენმა მხატვრულმა კოლექტივებმა და ინდივიდუალურმა შემსრულებლებმა მიიღეს მონაწილეობა.

ჩვენს ანგარიშში ასევე გვინდა წარმოგიდგინოთ ა.ა.ი. კ -თვის გამოყოფილი სუბსიდიით 2021 წლის საანგარიშო პერიოდში ჩატარებული სამეურნეო სამუშაოები.

ა) სურამის კულტურის ცენტრში, ივლისი - აგვისტოს თვეში, რეაბილიტაცია გაუკეთდა სურამის კულტურის ცენტრის სველ წერტილს, რომელიც კულტურის ცენტრის არსებობის მანძილზე არ მომხდარა. აღნიშნული სამუშაოები 3723 (სამი ათას შვიდას ოცდასამი) ლარი დაჯდა.

ბ) ქვიშხეთის კულტურის ცენტრში, რეაბილიტაცია გაუკეთდა სამ სამუშაო ოთახს, შეიცვალა კარებები, ფანჯრები, ამოიცვალა დაზიანებული იატაკი და შეიღება. ასევე შევუძინეთ კარადა - სულ დაიხარჯა 3345 (სამიათას სამას ორმოცდა ხუთი) ლარი.

გ) ბავშვთა და მოზარდთა შემოქმედებითი განვითარების ცენტრში მოვახდინეთ გაზის მილის რელოკაციის სამუშაოები - სულ 708,29 (შვიდას ცხრა) ლარი.

დ) თოჯინების თეატრში შეიცვალა თეჯირი და ფარდის წინა შუბლი, მოეწყო ფარდის ამწევი კონსტრუქცია - 600 (ექვსასი) ლარი.

ე) თეატრის სკვერის ცოცხალი ღობისთვის, 35 გრძლივ მეტრზე, შევიძინეთ 150 ცალი მცენარე ტუია, მოხდა გრუნტის გაჭრა, ნიადაგის მომზადება და ჩარგვა, მავთულის დამცავი ღობის მოწყობა- დაჯდა 3714 (სამიათას შვიდას თოთხმეტი) ლარი.

ეს გახლავთ პანდემიის პირობებში თითზე ჩამოსათვლელი მაგრამ თავისი მნიშვნელობით ძალზე ღირებული ღონისძიებების ჩამონათვალი. ჩვენ იმედის თვალით ვუყურებთ მომავალს და გვჯერა, რომ პანდემია ერთ მშვენიერ დღს დასრულდება და ჩვენი გაერთიანება კვლავ მნიშვნელოვან წვლილს შეიტანს ჩვენი მუნიციპალიტეტის კულტურულ ცხოვრებაში.

ანგარიშს დანართის სახით თან ერთვის კულტურის ცენტრების გაერთიანებაში შემავალი კულტურული დაწესებულებების მიერ ჩატარებული ღონისძიებების ჩამონათვალი:

ბავშვთა და მოზარდთა შემოქმედებითი განვითარების ცენტრი

1. პროექტი ათი ნაწარმოები - 29 მარტი.
2. წიგნების თარო - 10 ივნისი.
3. ჰარი პოტერის დღე - 21 მაისი.
4. საბავშვო წიგნის დღე - 2 აპრილი.
5. წიგნის დღე - 23 აპრილი.
6. გამოფენა ღია ცის ქვეშ „არ ვუშინდებით- ერთად გავაფერადოთ ჩვენი სამყარო“ - 20 ივნისი.

სურამის კულტურის ცენტრი

1. ღონისძიება ახალ წელთან დაკავშირებით „მეხვედრა პირველ კლასელებთან - 19 იანვარი.
2. პოეზიის საღამო „ვაჩუქოთ ერთმანეთს ტიტები“ - 9 აპრილი.
3. წიგნის კითხვის საერთაშორისო დღესთან დაკავშირებით კითხვა-იოსელიანის ნაწარმოების „გასროლა კაჟანი თოფით“ - 23 აპრილი.
4. დედაენის გაცელება - 16 მაისი.
5. წლის შემაჯამებელი ღონისძიება - 25 ივლისი.
6. შემოდგომის გაცელება - 20 ოქტომბერი.
7. საახალწლო ზეიმი - 24 დეკემბერი.

ქვიშხეთი კულტურის ცენტრი

1. შობის დღისადმი მიძღვნილი კონცერტი- საღამო - 8 იანვარი

საქალაქო კულტურის ცენტრს შემოქმედებითი აქტივობა არ ჰქონია.

2021 წლის განხორციელებული პროგრამის კულტურული ღონისძიებების ჩამონათვალი

1. უკრაინელი პოეტი ქალის ლესია უკრაინკას დაბადების დღის (დასასრული III გვერდზე)

ა(ა)იპ „კულტურისა და ბავშვთა და მოზარდთა შემოქმედებითი განვითარების ცენტრების გაერთიანების“ ანგარიში 2021 წელს გაწეული მუშაობის შესახებ

(დასასრული)

- 1. აღსანიშნავად ორგანიზებული ღონისძიებები - 739 ლარი.
- 2. 3-8 მარტს, დედათა და ქალთა საერთაშორისო დღისადმი მიძღვნილი ღონისძიებები - 2001 ლარი.
- 3. 9 აპრილთან დაკავშირებული ღონისძიებების მოწყობა 207.50 ლარი
- 4. 9 მაისთან დაკავშირებული ღონისძიების ხარჯი - 567 ლარი
- 5. ყვავილების გვირგვინის შესყიდვა 26 მაისს საქართველოს დამოუკიდებლობის დღესთან დაკავშირებით 332 ლარი
- 6. ტურისტული სეზონის გახსნასთან დაკავშირებული ღონისძიების ხარჯი - 300 ლარი,
- 7. ტაშისკარში გამართული ღონისძიების ხარჯი - 660 ლარი,
- 8. სამუსიკო სკოლის მოსწავლეთა ტრანსპორტირება ბორჯომში - 120 ლარი,
- 9. მასწავლებელთა აღიარების კონკურსში გამარჯვებულისათვის ყვავილების შესყიდვა - 39 ლარი,
- 10. უკრაინის ქალაქ ნოვოგრად ვოლინსკში გასამართ ღონისძიებებისათვის პროდუქციის შესყიდვა - 600 ლარი,
- 11. სოფელ წაღვლში ანსამბლ „ფორტეს“ კონცერტის ხელშეწყობისათვის ხარჯი - 1930 ლარი,
- 12. 8 აგვისტო - რუსეთ -საქართველოს ომის დროს დაღუპულების მემორიალის ყვავილების გვირგვინით შემკობა - 350 ლარი.
- 13. მუსიკალური სკოლის მოსწავლეთა და პედაგოგთა

ტრანსპორტირება, ბორჯომში, მუსიკის მე-11 საერთაშორისო ფესტივალზე -160 ლარი.

- 14. საპატიო მოქალაქეებისათვის მედალიონების შესყიდვა - 1000 ლარი,
- 15. სოხუმის დაცემის დღესთან დაკავშირებით, ყვავილების გვირგვინის შესყიდვა - 125 ლარი.
- 16. სხადასხვა პროდუქტის შექმნა, შშმ პირების საერთაშორისო დღესთან დაკავშირებით მუნიციპალიტეტის დღის ცენტრის ბავშვებისათვის - 1106.50 ლარი,
- 17. წვეულების და ღონისძიების ხარჯი - 100 ლარი,
- 18. კლასიკური მუსიკის მე-14 საფესტივალო კვირეულში „ფესტივალიდან ფესტივალამდე“ მონაწილეობის ხარჯი - 1960 ლარი.
- 19. ანსამბლ „ქართლის“ წევრების ტრანსპორტირება რესპუბლიკურ ფესტივალ „ბაკურიანი 21“ მონაწილეობის ხარჯი 600 ლარი.
- 20. მოლბერტისა და საკანცელარიო ნივთების შექმნა ბავშვთა და მოზარდთა შემოქმედებითი განვითარების წრის ბავშვებისათვის - 1494 ლარი.
- 21. სამუსიკო სკოლის მოსწავლეების ტრანსპორტირება „პარმონიას მიერ ორგანიზებულ საშობაო კონცერტზე მონაწილეობის ხარჯი 250 ლარი.
- 22. მცირეფასიანი ფოიერვერკის ორი კომპლექტის შექმნა წინა საახალწლო ღონისძიებისათვის 1500 ლარი.
- 23. ანიმატორული მომსახურება ახალი წლის ღონისძიებისათვის - 400 ლარი.
- 24. ჩოხა-ახალუხის კომპლექტის შეკერვის მომსახურების ხარჯი - 3780 ლარი.
- 25. საკვების შესყიდვა წაღვლის ბაღის ბავშვების, კრიზისული ოჯახებისთვის, ინკლუზიური განათლების ბავშვებისათვის, ალილოს საჩუქრებისათვის - 5287.20 ლარი.

გიორგი ბოლოკაძე,

ა(ა)იპ „კულტურისა და ბავშვთა და მოზარდთა შემოქმედებითი განვითარების ცენტრების გაერთიანების დირექტორი

კონფერენცია ხაშურის ქალაქად გამოცხადების 100 წლისთავთან დაკავშირებით

ხაშურს, 2021 წელს „100 წელი შეუსრულდა მას შემდეგ, რაც ქალაქის სტატუსი მიიღო. ხაშურის მუნიციპალიტეტის ადმინისტრაციული ცენტრის ეს სტატუსი საქართველოში რკინიგზის განვითარებას და დასახლებული პუნქტის, ხაშურის მოსახლეობის ზრდამ გამოიწვია. გასულ წელს ამ თარიღის აღნიშვნა, პანდემიური სიტუაციის გამო, ვერ მოხერხდა ხოლო წელს, 27 აპრილს, ხაშურის ცენტრალურ ბიბლიოთეკაში არსებულ ამერიკულ კუთხეში, კონფერენციით აღინიშნა.



გიორგი ჩუბინიძე, კონფერენციის ორგანიზატორი: „ქალაქი ხაშური ერთ-ერთი მნიშვნელოვანი პუნქტია როგორც საქართველოს ისტორიაში, ასევე გეოგრაფიაში და საინტერესო საკვლევია თემა სხვადასხვა სამეცნიერო დისციპლინისთვის. როგორც ხაშურელს, დიდი სურვილი მქონდა, ამ თარიღის აღნიშვნაც ისტორიის ნაწილად გვექცია და ქალაქის სტატუსის უკვე ასწლოვანი თარიღი ღირსეულად აღგვენიშნა. ამ იდეის განხორციელებას ამერიკულმა კუთხემაც დაუჭირა მხარი და საქართველოს პარლამენტის ეროვნული ბიბლიოთეკის, განათლებისა და კულტურის მულტიპუნქციური ცენტრის თანადგომით ჩვენი კონფერენცია, სხვადასხვა საინტერესო მომხსენებლის წყალობით, ვფიქრობ რომ შედგა“. კონფერენცია ისტორიკოსმა გიორგი ჩუბინიძემ გახსნა. მან საზოგადოებას კიდევ ერთხელ განუმარტა კონფერენციის მნიშვნელობა და მისი ჩატარების თარიღი, 27 აპრილი, რომელიც დიმიტრი ყიფიანის დაბადების დღეს დაუკავშირა. საქართველოს პარლამენტის ეროვნული ბიბლიოთეკის გენერალურმა დირექტორმა, ეთნოლოგიის დოქტორმა მირიან ხოსიტაშვილმა შიდა ქართლის ეთნოლოგიის საკითხები მიმოიხილა. მან ქართველთა ეთნოგრაფიული ჯგუფის მახასიათებლებზე გაამახვილა ყურადღება და ხაშურის მუნიციპალიტეტის ტერიტორიის როლზე. მოხსენების ბოლოს მირიან ხოსიტაშვილმა გამოთქვა მზაობა, რომ ეროვნული ბიბლიოთეკა მხარს დაუჭერს ამგვარ პროექტებს და მზადაა კონფერენციის მასალების

გამოცემის საკითხებიც უზრუნველყოს. ხაშურის მხარეთმცოდნეობის მუზეუმის ფონდების მცველმა, ეთნოლოგმა მზია ლობჯანიძემ ხაშურის დაარსების ისტორიულ ნიუანსებზე ისაუბრა. მან აღნიშნა ხაშურის ქალაქად გამოცხადების მიზეზების შესახებ და ამ საკითხის გარშემო არსებული მასალები წარმოადგინა. ისტორიკოსმა გიორგი ჩუბინიძემ წაიკითხა მოხსენება ხაშურის მუნიციპალიტეტში ეკლესიის ისტორიის საკითხებზე, სურამისა და ხაშურის ეპარქიის ისტორიულ წარსულზე, საქართველოს ეკლესიის მართვა-გამგეობის დებულებებში ხაშურის ეპარქიის კუთვნილებებზე. ხაშურის პირველი სკოლის დირექტორმა, ისტორიკოსმა მორის დანდურიშვილმა სურამში მცხოვრები ებრაელების ისტორიის, მათი ემპირიული ცოდნის საკითხები გააცნო დამსწრე აუდიტორიას. ხაშურის ამერიკული კუთხის კოორდინატორმა, ქეთევან მეტრეველმა ისაუბრა ხაშურის და საერთაშორისო პარტნიორობის საკითხზე. საერთაშორისო ორგანიზაციების გაწეულ საქმიანობაზე ხაშურის მუნიციპალიტეტში და ამერიკული კუთხის მნიშვნელობაზე. ხაშურის მუნიციპალიტეტის მერიის საზოგადოებასთან ურთიერთობის განყოფილების უფროსმა ნინო სუხიაშვილმა ხაშურში ქალების პოლიტიკურ, თუ საზოგადოებრივ ჩართულობაზე წაიკითხა



მოხსენება. ხაშურის საზავშო ბიბლიოთეკის თანამშრომელმა ნინო შუბითიძემ ხაშურის ბიბლიოთეკის ისტორიის საკითხები მიმოიხილა და ბიბლიოთეკის საზოგადოებრივ მნიშვნელობაზე გაამახვილა ყურადღება. კონფერენციის შემდეგ გაიმართა დისკუსია, რომელშიც მომხსენებლებთან ერთად დამსწრე აუდიტორიაც მონაწილეობდა. საქართველოს პარლამენტის ეროვნული ბიბლიოთეკის გენერალური დირექტორის მოადგილემ მირიან ხოსიტაშვილმა და თანამშრომელმა ლოლა სანაიამ მომხსენებლებს ეროვნული ბიბლიოთეკის გამოცემები გადასცეს საჩუქრად. ხაშურის მუნიციპალიტეტის ისტორიის კვლევა ახალი თაობისთვის ერთ-ერთი საინტერესო და მნიშვნელოვანი საკითხია, რადგან აქ ბევრი საინტერესო სამეცნიერო მიმართულების გამოკვლევა შესაძლებელია, რაც საბოლოოდ აწმყოს და მომავლის განვითარებაში მნიშვნელოვან სახელმძღვანელოდ შეიძლება შეიქმნას.



სურამში, უკრაინელი პოეტი ქალის ლესია უკრაინკას სახელობის სკვერის სარეაბილიტაციო სამუშაოები მიმდინარეობს

„ამ ეტაპზე ხორციელდება ღობის სრული განახლება, პროექტის ფარგლებში, დაიგება ქვაფენილი, დამონტაჟდება დასასვენებელი სკამები, დაიდგმება სანაგვე ურნები, გაკეთდება განათება. აღნიშნული პროექტის განხორციელება ხელს შეუწყობს, როგორც მუზეუმის ტერიტორიის გალამაზებას, ასევე ადგილობრივებისთვის და ვიზიტორებისთვის მეტი სივრცე შეიქმნება გართობისა და დასვენებისთვის“-აღნიშნა ხაშურის მუნიციპალიტეტის მერმა თენგიზ ჩიტიაშვილმა.

მერთან ერთად ადგილზე იმყოფებოდა ინფრასტრუქტურის სამსახურის ხელმძღვანელი გიორგი პაპიაშვილი, მისი განმარტებით, პროექტს მთლიანად ადგილობრივი ბიუჯეტი აფინანსებს და ღირებულება 83 591 ლარს შეადგენს.

ხაშურის მუნიციპალიტეტის სოფლებში - დიდ და პატარა სატივეში მისასვლელი გზის რეაბილიტაცია მიმდინარეობს

დიდ და პატარა სატივეში მისასვლელი გზის რეაბილიტაციის პროექტი გარდამავალია, მას მთლიანად ადგილობრივი ბიუჯეტი აფინანსებს, სამუშაოების ღირებულება 1 774 997 ლარს შეადგენს.

ამ ეტაპზე გზის მოსწორების სამუშაოები მიმდინარეობს.

ხაშურის მუნიციპალიტეტის მერის-თენგიზ ჩიტიაშვილის განმარტებით, აღნიშნულ სოფლებში, ამ დრომდე, საგზაო ინფრასტრუქტურა არ არსებობდა, რაც გადაადგილების პრობლემას ქმნიდა. პროექტის განხორციელების შემდეგ კი ადგილობრივების საყოფაცხოვრებო პირობები მკვეთრად გაუმჯობესდება.



ხაშურში, დედამიწის დღესთან დაკავშირებით, დასუფთავების აქცია გაიმართა

სოფელ ტეზრის მიმდებარე ტერიტორია მუნიციპალიტეტის მერიის, საკრებულოსა და ა(ა)იპ ორგანიზაციის წარმომადგენლებმა დაასუფთავეს.

აქციაში აქტიურად იყვნენ ჩართულები ტეზრის საჯარო სკოლის მოსწავლეები და პედაგოგები.

მუნიციპალიტეტის ჩართულობით დასუფთავების აქციები ხშირად იმართება, რაც მიზნად ისახავს მოსახლეობის ცნობიერების ამაღლებას და გარემოსდაცვითი პასუხისმგებლობის გაცნობიერებას.

აქცია „საქართველოს მწვანეთა მოძრაობა/დედამიწის მეგობრები-საქართველოს“ ინიციატივით და ხაშურის მუნიციპალიტეტის მერიის ზედამხედველობის სამსახურის ორგანიზებით გაიმართა.

„დღის ცენტრი“ - საქველმოქმედო ფესტივალში „მშვიდობა უკრაინაში“

ეთილდღეობისა და განვითარების ცენტრმა „მომავლის სახლი“ მონაწილეობა მიიღო ქართული სიმღერისა და ცეკვის სატელევიზიო და საქველმოქმედო ფესტივალში „მშვიდობა უკრაინაში“. ღონისძიება

გაიმართა ქალაქ თბილისში, მერაბ ბერძენიშვილის კულტურის საერთაშორისო ცენტრში „მუზა“.

დღის ცენტრის ბენეფიციარები კიდევ ერთხელ ჩართულობისთვის და წარმატებული გამოსვლისთვის დააჯილდოვეს მედლებითა და დიპლომებით



ახალგაზრდა ხუროთმოძღვარი, რომელიც საკუთარი ხელით აშენებს ტაძარს

ეკლესია-მონასტრების მშენებლობას, ისტორიულად, დიდი მნიშვნელობა აქვს, თავისი დანიშნულების მრავალფუნქციურობის მხრივ. გარდა სასულიერო და ღვთისმსახურების აღვლენის, ხშირად, თავდაცვის, საგანმანათლებლო ფუნქციასაც ითავსებდა, რამაც დღემდე მოიყვანა ქართველობა. ეკლესია-მონასტრების მშენებლობა ახლაც მიმდინარეობს ქვეყანაში. დღეს ცხრამეული ახალგაზრდა, ელია ხმალაძე გვინდა გაგაცნოთ, რომელმაც საკუთარი სურვილით და რესურსით დაიწყო ჯვართამაღლების სახელობის ეკლესიის მშენებლობა. საკუთარი ცოდნა და გამოცდილება, გამოიყენა და ამბობს, რომ მეუფე იობის



სურვილს, კოდიწყაროს სოფელთან მდებარე მთაზე ეკლესია აშენებულიყო, შემოდგომით, უკვე დასრულებულ სახეს მისცემს.

–სანამ ეპარქია გაიყოფოდა, მეუფე იობს, ძალიან უნდოდა ამ მთაზე ტაძარი აშენებულიყო. ამ მთას ახლა ელიას მთას ეძახიან. ეპარქიის გაყოფის შემდეგ, მეუფეს დავპირდი, რომ ავაშენებდი იმ ადგილას ჯვართამაღლების ტაძარს და მის დაბადების დღეზე გავხსნიდი. მეუფემ ძალიან მეხმარებოდა მშენებლობის დასაწყისში, სხვა ყველაფერს ჩემი რესურსით ვაკეთებდი.



–რა ეტაპზეა ახლა მშენებლობა? როგორც ვიცი, ფიქრობ, სხვა სივრცეებიც მოაწყო, რომელიც ტურისტების ინტერესსაც გამოიწვევს, ამაზეც რომ გვესაუბრო?

–მშენებლობა თითქმის დასრულებულია, ახლა გარეფასადის სამუშაოები მიმდინარეობს. გზაც ნაწილობრივ გამართულია, წყალიც შეყვანილია. ძალიან მინდა, გაღაგანი საქართველოს რუკის ფორმის გავაკეთო, განათებების დამონტაჟების შემდეგ, ძალიან ლამაზი და ემოციური სანახავე იქნება. დიდი სურვილი მაქვს, ობსერვატორიის მსგავსი სივრცე მოვაწყო, საიდანაც, დღის ორივე მონაკვეთში, შეძლებენ ჩვენი რაიონის დანახვას. ვფიქრობ, ტურისტებისთვისაც ძალიან სანახაობრივი და საინტერესო ადგილად იქცევა.

- ფინანსურად როგორ უძღვებით ამ დიდ საქმეს?

–თანადგომა ძირითადად ადამიანური რესურსია უფრო მეტად, ფინანსურ პასუხისმგებლობას მე ვიღებ და პლუს ის შემოწირულობები, რასაც მოსახლეობა იღებს თავისი სურვილით. მცირე შემომწირველები არიან, მაგრამ ამ



მადლითაც მნიშვნელოვან საქმეს ვაკეთებ. თუ ყველაფერი ასეთი ტემპით გაგრძელდება, შემოდგომით ვფიქრობთ ტაძრის გახსნას.

- გამოცდილება საიდან მიიღე? ამ ყველაფერს ხომ თავისი სპეციფიკა და ცოდნა ჭირდება.

–დაახლოებით 14 წლიდან სასულიერო ცხოვრებაში ჩავერთე, მეუფე იობთან ვმუშაობდი სხვადასხვა ტაძრის მშენებლობაზე, დაახლოებით 40 ტაძრის მშენებლობა-რესტავრაციაში მაქვს მონაწილეობა მიღებული. ეს საკმარისი გამოცდილება აღმოჩნდა იმისთვის, რომ ეკლესიის მშენებლობის მთელი სპეციფიკა შემესწავლა და მარტო გავძლოდი საქმეს.

- რა არის შენი ძირითადი საქმიანობა?

–ჩემი ძირითადი საქმეც ესაა, ძალიან დიდი ინტერესი მაქვს კულტურული ძეგლების აღდგენის, სხვადასხვა კომერციულ მშენებლობებში, ვმუშაობ და ძირითად შემოსავალს, ტაძრის მშენებლობისთვის ვიყენებ.



- როდესაც ტაძრის აშენა

გადაწყვიტე, რა იყო უდიდესი სურვილი, რამ მოგცა მოტივაცია?

–ჩემი ინტერესი პირადი არაა, ძალიან მინდა, ადამიანებმა იარონ ეკლესიაში, მიიღონ ემოცია. ძალიან მაღალი ხარისხის აპარატურა შემოწირეს მშენებლობას და მსურველებს, შესაძლებლობა ექნებათ, საეკლესიო მსახურება გარეთაც მოისმინონ.

ადამიანებს უკვე შეუძლიათ ბორჯომისკენ მიმავალი გზიდან, მთაზე, განათებული ეკლესია დაინახონ, რომელიც მფარველობაში მოაქცევს სრულიად ჩვენ რაიონს.

ასე დაასრულა ჩვენთან საუბარი ამ საოცარმა ახალგაზრდა ხუროთმოძღვარმა, რომელიც ეკლესიის კარებს არასდროს კეტავს, სადაც შემოწირულობას და ტექნიკურ საშუალებებს ტოვებს. სჯერა სიკეთის, ღმერთის და ადამიანების. **თ. ჯავახიშვილი**

ელიზბარ (გუჯა) კიზირიას ხსოვნას

არიან ადამიანები, რომლებიც სიცოცხლეში ისეთ კვალს ტოვებენ, რომ შემდეგ თაობაში ათეული წლები რჩება ამ კვალის ნათელი. დავიწყების ბურუსი ამ კვალს არ ეხება და უამრავი პიროვნების გონებაში აგრძელებს სიცოცხლეს. სწორედ ერთ-ერთი ასეთი იყო გუჯა კიზირია, კაცი, რომელთან ურთიერთობას მუდამ სიხარული ახლდა და ამ სიხარულის სათავე მუდამ თვითონ იყო. იცნობდა მთელ რაიონს, იცნობდა მთელი რაიონი და თვითონ სიკეთით აღვსილი სწორედ ამ პეშვი-პეშვ ნაგროვი სიკეთის გაცემა იქცია ცხოვრების წესად. სიყვარულს თესდა ყველგან, შორს იყო მისგან ანგარება და მხოლოდ ამ სიყვარულის მარცვლებს ეძებდა ყველასთან ურთიერთობაში. არ ჰქონია დალხენილი ცხოვრება, მაგრამ არასოდეს დასცდენია საყვედური მოყვასზე. საკუთარი ქედით გაიტანა მთელი ცხოვრება და ბევრი ღირებული შექმნა. ყველაზე ღირებული კი -ოჯახი, რომელიც მისთვის ციხე-სიმაგრეც იყო, ღირსებაც და განუზომელი ბედნიერებაც. მეგობრობაც საოცარი იყო და გვერდში დგომა მისი ცხოვრების წესი იყო. ფიქრიც კი გვიჭირს, რომ ასეთი კაცი აღარ არის ჩვენს



გვერდით. დღეს შენი დაბადების დღეა, გუჯა. კვირაცხოვლობა შენი ერთ-ერთი უსაყვარლესი დღესასწაული იყო და საოცრება და სიმბოლურია, რომ ეს დღესასწაული წელს შენს დაბადების დღეს დაემთხვა. ხშირად გითქვამს: სახლის კარს რო გავაღებ, პირველი კვირაცხოვლის ტაძარი მეგებება და მერე იქიდან გადმოსული მაღლი მიმყვება მთელი დღეო... ეგ მაღლი არ მოკლებოდეს შენს ოჯახს, მეუღლეს, შვილებს, შვილიშვილებს, რომლებიც შენი მანათობელი კელაპტრები იყვნენ და იქნებიან მუდამ. კვირაცხოვლობას და დაბადების დღეს გილოცავთ, გუჯა! გკოცნით და გეფერებით, კარგო კაცო!

რედაქციელები, მეგობრები

გაზეთის -"ხაშურის მოამბე" - რედაქციის თანამშრომლები, ღრმა მწუხარებით იუწყებიან, რომ გარდაიცვალა **მამია (ბაჩო) ქველაძე** და თანაურგძნობენ განსვენებულის ოჯახს.

ა(ა)იპ ხაშურის მუნიციპალიტეტის გაზეთი „ხაშურის მოამბე“. ღირექტორი და გაზეთის რედაქტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499. P-ით მონიშნული სტატია იბეჭდება დაკვეთით გაზეთი იბეჭდება თბილისში.